



BOSNIA AND HERZEGOVINA
Ministry of Communication and Transport
Directorate of Civil Aviation

Broj: 1-2-50-858-3/26
Banja Luka, 13. 8. 2026. godine

Na osnovu Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23) i Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), postupajući po zahtjevu Snježane Stojanović, odgovornog lica u pravnom licu „LimelT“ iz Bijeljine, generalni direktor Direkcije za civilno vazduhoplovstvo Bosne i Hercegovine donosi:

ZAKLJUČAK
kojim se

ODBACUJE zahtjev za pristup informacijama Snježane Stojanović iz Bijeljine zbog neurednosti podneska.

Obrazloženje

Dana 24. 7. 2026. godine, BHDCA je, putem poštanskog operatora, zaprimila Zahtjev za pristup informacijama, u kojem podnosilac zahtijeva sljedeće informacije:

„U svrhu medijskog istraživanja javnosti o postupcima javnih nabavki, molimo da nam dostavite detaljne informacije o javnoj nabavci broj 3-1-1-12/17.

Radi efikasne obrade dostavljene dokumentacije, molimo da nam informacije i dokumentaciju dostavite po tačkama. Napominjemo da se predmetni zahtjev odnosi najvećim dijelom na postojeće informacije i dokumentaciju nastalih u redovnom postupku sprovođenja postupka javne nabavke i realizacije ugovora, te da u slučaju izrade novih dokumenata Vaš angažman nije značajan.

U vezi sa navedenom javnom nabavkom, molimo da nam dostavite sljedeće informacije i dokumentaciju:

1. Tenderska dokumentacija - kopiju - sve što se odnosi na uslove za kvalifikaciju ponuđača kao i tehničku specifikaciju iz tenderske dokumentacije a koju već imate u posjedu;
2. Žalbeni postupak - informaciju o tome da li je u ovom predmetu bilo izjavljenih žalbi, te ukoliko jeste, molimo da dostavite kopije konačnih i pravosnažnih odluka Kancelarije za razmatranje žalbi (KRŽ);
3. Pitanja i odgovori - kopiju pitanja i odgovora objavljenih na Portalu javnih nabavki, uz jasno naznačeno ko je postavio pitanja;
4. Preuzimanje dokumentacije - kopiju izvještaja sa Portala javnih nabavki o subjektima koji su preuzeli tendersku dokumentaciju;
5. Zapisnik o otvaranju ponuda - kopiju zapisnika sa javnog otvaranja ponuda;
6. Odluka o izboru najpovoljnijeg ponuđača - kopiju odluke sa obrazloženjem;
7. Neprirodno niska cijena - obrazloženje u slučaju da je neki od ponuđača isključen ili odbijen zbog neprirodno niske cijene;
8. Ugovor - kopiju ugovora zaključenog sa izabranim ponuđačem;
9. Finansijska realizacija i poslovanje sa dobavljačem - kopije faktura po osnovu predmetne javne nabavke, kao i već postojeće analitičke kartice dobavljača koje se odnose na ukupno poslovanje sa tim dobavljačem u prethodne tri godine na kojima se vide pojedinačne poslovne promjene u ukupni saldo po godinama;
10. e-Aukcija - kopija zapisnika, ako je bila predviđena;

11. Dokaz o izvršenju nabavke - izvještaje, fotografije ili druge materijalne dokaze o realizaciji predmeta nabavke, u skladu sa ugovorom i tehničkom specifikacijom, u elektronskoj ili štampanoj formi;
12. Aneksi i izmjene ugovora - informaciju o tome da li je ugovor mijenjan putem aneksa, te ukoliko jeste, molimo da dostavite kopije svih aneksa uz pripadajuću dokumentaciju;
13. Problemi u realizaciji nabavke - u slučaju da nabavka nije realizovana u skladu sa planom i ugovornim obavezama, molimo pojašnjenje o eventualnim problemima u realizaciji;
14. Pristigle ponude na tendersku dokumentaciju - dijelovi koji dokazuju ispunjenost uslova za kvalifikaciju ponuđača kao i dokazi o tehničkoj specifikaciji ponuđača a koje već imate u posjedu;
15. Odluka o imenovanju komisije - kopiju odluke/rješenja o imenovanju komisije za provođenje predmetnog postupka javne nabavke, sa svim eventualnim izmjenama ili dopunama;
16. Izjave o nepostojanju sukoba interesa - kopije izjava članova komisije i drugih lica koja su učestvovala u provođenju postupka javne nabavke o nepostojanju sukoba interesa, ukoliko su iste sačinjene;
17. Izvještaj o pregledu i ocjeni ponuda - kopiju kompletnog izvještaja komisije o pregledu i ocjeni ponuda, uključujući sve priloge, analize, tabele bodovanja i obrazloženja;
18. Komunikacija sa ponuđačima - kopije kompletne pisane komunikacije između ugovornog organa i ponuđača tokom provođenja postupka javne nabavke, uključujući zahtjeve za pojašnjenje, dopunu ili ispravku ponuda, odgovore ponuđača, kao i svu raspoloživu prepisku;
19. Garancije - kopije garancija za ozbiljnost ponude i garancija za uredno izvršenje ugovora, ukoliko su iste bile zahtijevane tenderskom dokumentacijom;
20. Primopredaja predmeta nabavke - kopije zapisnika o primopredaji robe, radova ili usluga, zapisnika o kvalitativnom i kvantitativnom prijemu, kao i druge dokumentacije kojom se potvrđuje izvršenje ugovora;
21. Odluka o pokretanju postupka i planiranje nabavke - kopiju odluke o pokretanju postupka javne nabavke, procjene vrijednosti nabavke, te dijela plana javnih nabavki koji se odnosi na predmetnu javnu nabavku, ukoliko navedena dokumentacija već postoji u posjedu ugovornog organa;
22. Plaćanja po ugovoru - kopije naloga za plaćanje, izvoda ili druge postojeće dokumentacije iz koje je vidljivo da su fakture po predmetnom ugovoru plaćene;
23. Stručni nadzor (za nabavke radova) - kopije građevinskog dnevnika, građevinske knjige, knjige nadzora, privremenih i okončanih situacija, okončanog obračuna, kao i druge dokumentacije koja se odnosi na stručni nadzor i realizaciju ugovora;
24. Interna kontrola i revizija - informaciju da li je u vezi sa predmetnom javnom nabavkom vršena interna kontrola, interna revizija ili druga vrsta nadzora, te ukoliko jeste, kopije izvještaja koji se odnose na predmetni postupak;
25. Komisijski zapsnici - kopije svih zapisnika sa sjednica komisije za javnu nabavku koji su sačinjeni“.

Postupajući po navedenom zahtjevu, BHDCA je preduzela sve radnje kako bi prikupila tražene informacije i razmotrila sve činjenice i okolnosti koje su značajne za obradu zahtjeva, a na osnovu čl. 7, 9, 12. i 23. stav (1) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23) (u daljem tekstu: Zakon).

Detaljnim uvidom u zahtjev, BHDCA je utvrdila da se predmetna nabavka odnosi na nabavku licenci i softvera, broj JN1-1-4-16-3-11/17, kao i da se dokumenti iz ove nabavke nalaze u prostorijama arhiva BHDCA.

BHDCA je utvrdila da predmetna dokumentacija ima 220 stranica, te je BHDCA, u skladu sa članom 24. st. (2), (3) i (4) Zakona, te čl. 1, 2. i 3. "Odluke o visini naknade materijalnih troškova u skladu sa Zakonom o slobodi pristupa informacijama na nivou institucija BiH" ("Službeni glasnik BiH", broj 63/24) dopisom, broj: 1-2-50-858-2/26 od 4. 8. 2026. godine, obavijestila podnosioca zahtjeva da je dužan uplatiti naknadu stvarnih materijalnih troškova, kao što su troškovi umnožavanja/skeniranja i naknadu troškova dostave tražene informacije.

Kako je na osnovu člana 2. stav (2) navedene odluke propisano da je prvih 20 stranica umnožavanja (foto-kopiranja) ili pretvaranja stranica iz fizičkog u elektronski oblik besplatno, a da se svaka naredna stranica naplaćuje 0,50 KM za svaku stranicu umnožavanja standardne veličine, odnosno 0,30 KM za pretvaranje jedne stranice dokumenta iz fizičkog u elektronski oblik, BHDCA je navedenim aktom obavijestila podnosioca zahtjeva da je dužan uplatiti naknadu od 100,00 KM ukoliko želi da mu se dostavi foto-kopija tražene informacije ili 60,00 KM ukoliko želi da mu traženu informaciju pretvori u elektronski oblik i dostavi elektronski, putem e-pošte navedene u zahtjevu.

Takođe, istim obavještenjem, koje je podnosiocu zahtjeva dostavio službenik za informisanje BHDCA sa službene adrese elektronske pošte 4. 8. 2026. godine, BHDCA je obavijestila podnosioca zahtjeva da, ukoliko želi da mu BHDCA dostavi foto-kopije traženih dokumenata putem pošte da adresu navedenu u zahtjevu, pored navedene naknade za umnožavanje (foto-kopiranje) informacije, potrebno je da, u skladu sa članom (1) tačka f) navedene odluke, uplati i troškove dostave informacije u iznosu od 6,9 KM prema važećem cjenovniku redovnih poštanskih usluga poštanskog operatera putem kojeg se dostavlja pošta za težinu preporučene pošiljke od 500 do 1000 grama (koliko je bila očekivana težina pošiljke), sa povratnicom.

U obavještenju je dostavljeno i uputstvo za uplatu naknada materijalnih troškova, te pozvan podnosilac zahtjeva da u roku od osam dana od dana prijema obavještenja uplati navedene iznose i dokaz o tome (foto-kopiju) uplatnice dostavi e-mailom službeniku za informisanje, te obaviješten da ukoliko to ne učini, BHDCA će smatrati da je podnosilac odustao od zahtjeva. Kako podnosilac zahtjeva u propisanom roku nije dostavio dokaz o uplati naknade, na osnovu člana 60. st. (1) i (2) Zakona o upravnom postupku odlučeno je kao u dispozitivu.

U skladu sa čl. 13. i 24. stav (1) Zakona, podnosilac zahtjeva oslobođen je plaćanja taksi na zahtjev i ovaj zaključak.

Ovaj zaključak biće dostavljen elektronskim putem na adresu e-pošte navedene u zahtjevu. Zaključak će podnosiocu zahtjeva dostaviti službenik za informisanje BHDCA sa službene adrese elektronske pošte.

Uputstvo o pravnom lijeku: Protiv ovog zaključka može se, u skladu sa članom 28. stav (2) Zakona, u roku od 15 dana od dana prijema, podnijeti žalba Žalbenom savjetu pri Savjetu ministara BiH kao drugostepenom organu, na adresu Trg BiH 3/IX, 71 000 Sarajevo. U skladu sa članom 201. stav (2) Zakona o upravnom postupku i Zakona o administrativnim taksama BiH iznos takse na žalbu, po tarifnom broju 2, iznosi 10 KM, te je dokaz o uplati takse potrebno dostaviti uz žalbu.

Dostavljeno:
- Snježana Stojanović
snjezana.stojanovic@bijeljina.com
- a/a.

